

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA MOJA

KIKAO CHA SITA

10 APRILI, 2018



ORODHA YA SHUGHULI ZA LEO

MKUTANO WA KUMI NA MOJA

KIKAO CHA SITA – TAREHE 10 APRILI, 2018


I. DUA:

II. HATI ZA KUWASILISHA MEZANI:

**WAZIRI WA NCHI OFISI YA RAIS (TAMISEMI,
UTUMISHI NA UTAWALA BORA):**

Randama za Makadirio ya Mapato na Matumizi ya Ofisi ya Rais (TAMISEMI, UTUMISHI na UTAWALA BORA) kwa Mwaka wa Fedha 2018/2019.

III. MASWALI:



OFISI YA RAIS (TAMISEMI):

**44. MHESHIMIWA MENDRAD LUTENGANO
KIGOLA (MUFINDI KUSINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itamalizia ujenzi wa Vituo vya Afya Kata za Mtwango, Mninga na Makungu.

45. MHESHIMIWA GRACE VICTOR TENDEGA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kuna uhaba wa nyumba za kuishi Walimu licha ya juhudi za Wananchi kujenga nyumba za Walimu wa shule za msingi na sekondari; Walimu hao pia wanahitaji kujenga nyumba zao wenyewe za kudumu:-

Je, ni lini Serikali itaweka utaratibu wa kutoa mikopo kwa Walimu ili wajenge nyumba zao binafsi.

46. MHESHIMIWA CECIL DAVID MWAMBE (NDANDA):

Atamuuliza Mheshimiwa Waziri wa Nchi, Ofisi ya Rais (TAMISEMI):- Bwawa la Lukuledi ambalo huhudumia Kata za Lukuledi, Mpanyani na Chikinja ni muhimu sana kwa Wananchi:-

Je, Serikali itafanya lini ukarabati wa Bwawa hilo kwa sababu kiwango cha maji kinapungua kwa kujaa mchanga.

WIZARA YA AFYA, MAENDELEO YA JAMII, JINSIA, WAZEE NA WATOTO:

47. MHESHIMIWA AYSHAROSE NDOGHOLI MATTEMBE (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Takwimu zinaonesha kuwa mwaka 2015/2016 Wanawake 85 Mkoani Singida walipoteza maisha kutokana na vifo vya uzazi. Aidha, inaelezwa kitaalam asilimia 35 ya vifo hivyo vinaweza kuzuiliwa iwapo huduma za uzazi wa mpango zitazingatiwa na kuimarishwa:-

Je, Serikali ina mkakati gani wa kuimarisha elimu na huduma za afya ya uzazi wa mpango kwani utumiaji wa huduma hizo kwa sasa unatekelezwa kwa asilimia 19 wakati wastani wa kitaifa ni asilimia 27.

48. MHESHIMIWA ABDALLAH DADI CHIKOTA (NANYAMBA):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kuna ongezeko kubwa la wagonjwa wa magonjwa yasiyoambukiza ikiwemo kisukari ambapo matibabu yake ni ya muda mrefu:-

Je, Serikali ina mpango gani wa kutoa dawa za ugonjwa wa kisukari bure kama ilivyofanya kwa ugonjwa wa kifua kikuu.

WIZARA YA HABARI, UTAMADUNI, SANAA NA MICHEZO:

49. MHESHIMIWA PROSPER JOSEPH MBENA (MOROGORO KUSINI):

Atamuuliza Mheshimiwa Waziri wa Habari, Utamaduni, Sanaa na Michezo:- Kutokana na kuongezeka kwa matangazo ya biashara kwenye vyombo vya habari upo uwezekano wa baadhi ya matangazo hayo kuwakera na kuleta hisia tofauti kwa baadhi ya watu na hasa watoto kutokana na maudhui mabaya ya baadhi ya matangazo hayo:-

- (a) Je, Serikali haioni kuna umuhimu wa kuunda chombo cha kusimamia maudhui ya matangazo ya kibiashara ili kuweka na kusimamia taratibu na kanuni za matangazo;
- (b) Je, ni idara gani ya Serikali inahusika moja kwa moja na malalamiko ya Wananchi dhidi ya kampuni na taasisi zinazotoa matangazo yenye athari kwa jamii;


(c) Je, ni hatua gani zinachukuliwa dhidi ya kampuni hizo.

WIZARA YA MAMBO YA NDANI YA NCHI:

50. MHESHIMIWA KHATIB SAID HAJI (KONDE):

Atamuuliza Mheshimiwa Waziri wa Mambo ya Ndani ya Nchi:-Kucheleweshwa haki ni kunyima haki:-

Je, Jeshi la Polisi limejitathmini juu ya utendaji wake hususan katika Idara ya Upelelezi wa makosa mbalimbali kabla ya kuyafikisha mashtaka Mahakamani.



51. MHESHIMIWA JUMA SELEMANI NKAMIA (CHEMBA):

Atamuuliza Mheshimiwa Waziri wa Mambo ya Ndani ya Nchi:- Wilaya ya Chemba haina Kituo cha Polisi.

Je, ni lini Serikali itaanza ujenzi wa Kituo cha Polisi na nyumba za Askari.

WIZARA YA MAJI NA UMWAGILIAJI:

52. MHESHIMIWA SALUM MWINYI REHANI (UZINI):

Atamuuliza Mheshimiwa Waziri wa Maji na Umwagiliaji:- Serikali inatekeleza mradi mkubwa wa Umeme wa Bwawa la Kidunda ambapo pia kutakuwa na miradi ya Kilimo na Ufugaji Samaki:-

- (a) Je, kuna tathmini ya kitaalamu iliyofanyika ya kudhibiti kemikali zinazotokana na utumiaji mkubwa wa dawa za kudhibiti magugu kwenye mashamba ya Miwa na Mpunga na utumiaji wa mbolea za SA ambazo husababisha uharibifu wa ardhi;
- (b) Je, Serikali inaweza kuleta Bungeni ripoti ya tathmini pamoja na *Environmental Impact Assessment* juu ya mradi huo;
- (c) Je, Mradi wa umwagiliaji utachukua ekari ngapi na imepanga kulima nini katika mashamba hayo.

53. MHESHIMIWA FELISTER ALOYCE BURA (VITI MAALUM):

Atamuuliza Mheshimiwa Waziri wa Maji na Umwagiliaji:-


Je, ni lini Serikali itakamilisha mradi wa maji wa maporomoko ya Ntomoko Wilayani Kondo.

IV. HOJA ZA SERIKALI:

WAZIRI MKUU:

Kwamba, Bunge likubali kupitisha Makadirio ya Mapato na Matumizi ya Ofisi ya Waziri Mkuu kwa Mwaka wa Fedha 2018/2019.

(Majadiliano yanaendelea)



**DODOMA
10 APRILI, 2018**

**S. KAGAIGAI
KATIBU WA BUNGE**